

Nampa Tri Jon

Nægkiariien sə rani mə nəfe i nəkukuə

Jon rirai nəkukuə i kani mə Nampa Tri Jon revən ti in riti nəghin nə Kaius. Kaius in iəmə asori riti səvəi nakalasia me. Ia nousəsimwinien səvəi nakalasia me fwe imwei Kaius iərman riti nəghin nə Tiotrefes. In rəpwəh nokeikeiien mə nakalasia me tuhəsevər ia rukwənu səvənraha ti nərmama səməmə haməvisau nəgkiariien səvəi Kumwesən ia kwopun me. Jon rirai nəkukuə i mə trəgnəgini Kaius mini tanak tukwe ti nasituien səvənhi. In rirai mwi nəkukuə i mə trəgkiari skai m Tiotrefes mə in rīpkasitu mhə. Jon rini mə traməkeikei mevən akwauakw fwe ikin masitu ia nirəha.

Nægkiariien sə rakupwən

¹ Iou elta səvəi nəfwakiien. Iakamrai nəkukuə i rauvehe tukw ik Kaius keikei. Iakoikei pərhiən ik.

² Piak keikei. Iakəfwaki maməres mə tikamarə amasan ia narimnari me pam. Iakaməres mwi mə tikəsanin a nemhəien riti trīpkuvehi mhə ik rəmwhen ikamarə amasan ia nīmīruien səim.

Jon rerin ragien ti noien amasan səvəi Kaius

³ Rerik ragien nəpīn iakregi piəvtaha me nepwin həuvehe mhəni irapw nīpərhiənien səim. Irəha həni mə ia nəpīn me ikamesi pen nəgkiariien sə ro nīpərhiənien.

⁴ Nəpɪn iakregi mə nɪpwnətɪk me kamhesi pen nəgkiariien sə ro nɪpərhiɛniɛn rɛrɪk ragien pɪk məpi raka nəpɪn rɛrɪk ragien tɪ narimnari me nɛpwin.

⁵ Piak keikei. Ia nəpɪn me pam ikamo noien amasan, mamasitu ia piəvtaha me səməme həuvehe tukw ik nəri auər a mə ikreirei irəha.

⁶ Irəha həuvəni irapw raka nokeikeiien səim ia nəmri nakalasia me ia kwopun i. Trɪni mɪnuə nɛpwin mwi həuvehi suatuk səvənraha mhəuvehe tukw ik, ramasan mə tikamasitu mwi ia nirəha ia noien sə Kumwesən rokeikei.

⁷ Tiko iamɪnhi irə tɪ nəri nə mə irəha həuvəier imwənraha mə tuhəuvən mhəvisau irapw nəghi Iesu Kristo. Nənə ia suatuk səvənraha irəha həpkuvehi mhə nasituɛn riti ruku pen tɪ nərmama səməme həreirei Kumwesən.

⁸ Kitaha tsaməkeikei mhasitu ia nərmama me ho iamɪnhi mə kitaha tsəuvehi rəgɪtaha me mho kua-tia tɪ nɪni irapwien nəgkiariien sə ro nɪpərhiɛniɛn.

Tiotrefes mɪne Temetrius

⁹ Iakuvərai raka nəkukuə riti ruvehe tɪ nakalasia me nə imwam. Mətə Tiotrefes, iamə sə rokeikei mə trakupwən ia nirəha, rɪpkətərig mhə nəgkiariien səiou. In rɪpkətərig mhə irə tɪ nəri nə mə in ramo nəri auər a ia nasoriien səkimaha.

¹⁰ Trɪni mɪnuə iakuvehe, takɪni irapw narimnari me sə in ramo. Takɪni irapw nəgkiariien ərəha me sə in ramɪni mauəsi kimaha irə. Rɪpko mhə in a nə in ramo. Mətə nəpɪn piəvtaha me həuvehe, in rɪpkəsəvər mhə ia nɪmwə səvənhi tɪ nirəha, nənə mamɪnise mwi nərmama səməme hokeikei mə tuho, mamərhi irapw irəha ia nəmri nakalasia me.

¹¹ Piak keikei. Tikəpwəh nesi penien noien ərəha, mətə tikesi pen noien amasan. Iərmama sə ramo noien amasan in səvəi Kumwesən. Iərmama sə ramo noien ərəha in rīreirei Kumwesən.

¹² Mətə nərmama pam kəmhəni amasan Temetrius. Noien səvənhi ramahatən pen mə in ramesi pen nəgkiariien sə ro nīpərhienien. Kimaha mwī iahaməni mə in iəmə amasan riti. Nənə kimiaha hiəukurən mə nəfe kimaha iahaməni ro nīpərhienien.

Nəgkiariien sampam

¹³ Nəgkiariien me i rīpik iakuə takrai mīni pehe tukw ik, mətə iakəpwəh nokeikeiien mə takrai pen ia nīmwai nəkukuə.

¹⁴ Rerik ramrhi mə trīpko mhə tui iakuvehe tukw ik, nənə krau krouətə nəmrīrau me rouəgkiari.

¹⁵ Iakəfwaki mə nəmərinuuien tramarə tukw ik. Nənə ik me nepwīn ia kwopun i həni pehe ramasan tukw ik. Tikini tukwini ramasan səkimaha revən ti piəvtaha me nepwīn nə kimiaha mīnraha.

Nəkukuə Ikinan
The New Testament in the Nafe (Kwamera) language
of Southeast Tanna, TAFEA Province, Vanuatu
Niutestamen long lanwis Nafe blong Vanuatu.
Le Nouveau Testament dans la langue Nafe de
Vanuatu.

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

PDF generated using Haiola and XeLaTeX on 18 Apr 2025 from source files dated 31 Aug 2023

26b0f540-c192-5878-be67-18ede9ab1416